

BAB 1

PENDAHULUAN

COGAN MAKNA MDGM

- M - Marilah*
A - Ahli Majlis dan semua anggota
J - Jalankan
L - Langkahmu dan menyumbang fikiran bernas
I - Ikrar yang teguh
S - Semangat yang jitu
- D - Dalam mengharungi era pembangunan*
A - Arahkan semangatmu untuk membina
E - Enviroment sejagat yang bersih indah
R - Rakyat yang mengharap pasti gembira
A - Aktiviti Pihak Berkuasa Tempatan yang berkesan
H - Hari ini dan hari muka
- G - Gagahkan semangatmu serta*
U - Usaha yang bersungguh-sungguh
A - Agar kita berjaya membina
- M - Maya pada ini menjadi*
U - Utuh
S - Sejahtera
A - Aman dan
N - Nayaman, gilang gemilang itulah
G - "Gua Musang"

"GUA MUSANG"

RINGKASAN EKSEKUTIF

Sejak 10 tahun kebelakangan ini, Bandar Gua Musang telah Mengalami tekanan pembangunan yang semakin meningkat terutama di sektor perumahan dan perindustrian.

Disamping itu juga, MDGM memainkan peranann sebagai Pusat perkhidmatan utama daerah yang mempunyai saiz penduduk dan kemudahan prasarana yang lengkap dan maju. Ianya juga akan berfungsi sebagai Pusat Pentadbiran, Pusat Perdagangan dan Pusat Perindustrian bagi Jajahan Kelantan Selatan, Negeri Kelantan.

Selaras dengan tren masa kini dan potensi pembangunan masa depan, maka MDGM akan membangunkan pelan strategik berasaskan kepada visinya iaitu ke arah menjadikan MDGM sebuah PBT yang Maju, Makmur dan Sejahtera menjelang 2015.

Elemen penentu kejayaan visi yang ditetapkan bergantung kepada teras/objektif strategik yang ditetapkan iaitu *memantapkan keupayaan dan kapasiti organisasi bagi meningkatkan kecekapan sistem penyampaian perkhidmatan, memperkasakan tadbir urus organisasi dan pembudayakan nilai nilai murni ke arah kecemerlangan organisasi, menentukan perancangan pembangunan selaras dengan pelan rancangan struktur dan pelan rancangan tempatan, memperbanyakkan kemudahan dan infrastruktur awam bagi mempertingkatkan kualiti hidup masyarakat serta mempertingkatkan keselamatan dan ketenteraman awam bagi tujuan mengekalkan perpaduan dan keharmonian masyarakat.*

PENGENALAN DAN LATAR BELAKANG MDGM

Di awal penubuhan, Majlis ini dikenali dengan nama Majlis Daerah Ulu Kelantan. Menerusi Warta K.N. PU 32 yang bertarikh 13 September, 1983, Majlis Daerah Ulu Kelantan telah ditukar nama kepada Majlis Daerah Gua Musang. Penyusunan semula dibuat di bawah Akta 171 dan 176 mulai 1 Januari, 1979.

Majlis Daerah Gua Musang telah dibentuk hasil daripada penubuhan serta pencantuman dua buah penguasa tempatan yang sedia ada iaitu Lembaga Bandaran Gua Musang dengan Majlis Tempatan Bertam yang telah ditubuhkan pada 1 Mac, 1984 dibawah seksyen 3(1) Undang-undang Majlis Tempatan 1952.

Disamping itu, Majlis Daerah Gua Musang meluaskan lagi empayarnya melalui Pengistiharan Bandar Baru Gua Musang pada 7 Mei, 1987 dengan kuasa yang diberikan oleh seksyen 11(d) Kanun Tanah Negara 1965 No. Kn. P.U. 11 P.W. 262 dan dengan mengadakan perluasan kawasan operasi Majlis daripada 0.68 batu persegi (1.76 kmq) kepada 50 batu persegi (129.5 kmq). Antara kawasan tersebut ialah Kg. Star, Kg. Pulai, Pasir Tumbuh, Chegar Bongor, Kg. Kerinting, Limau Kasturi, Batu Papan dan Kg. Lapan Tupai (Lapan Jaya).

Hasrat Kerajaan supaya Penguasa-penguasa Tempatan yang disusun semula ini akan mempunyai taraf ekonomi, kewangan dan menerimapakai undang-undang yang seragam. Bagi mencapai hasrat tersebut, Kerajaan Persekutuan telah memberi kepada tiap-tiap Penguasa Tempatan yang disusun semula geran pelancaran dan geran tahunan serta keseragaman pemakaian undang-undang seperti Akta Kerajaan Tempatan 171 dan 176. Akta Perancangan Bandar dan Desa 172 dan 176 serta Akta Jalan, Parit dan Bangunan 133 dan 174.

Pada tahun 2003, pihak Kerajaan Negeri telah meluluskan cadangan perluasan kawasan MDGM yang merangkumi keseluruhan Jajahan Gua Musang. (7,979,769.0 km. persegi).

Pada menjalankan kuasa yang diberikan oleh subseksyen 4(3) Akta Kerajaan Tempatan 1976, Pihak Berkuasa Negeri selepas berunding dengan Menteri Perumahan dan Kerajaan Tempatan dan Setiausaha Suruhanjaya Pilihan Raya dengan ini mengubah Sempadan Majlis Daerah Gua Musang mulai 1 hb. September, 2005 sebagaimana berikut:-

| Bil. | Daerah | Mukim | Keluasan Mukim (km. persegi) |
|------|--------|----------------------|---------------------------------|
| 1. | Galas | a) Batu Papan | 176.8902 |
| | | b) Bandar Gua Musang | 2.4604 |
| | | c) Ketil | 151.2502 |
| | | d) Pulai | 284.3710 |
| | | e) Renok | 362.2265 |
| | | f) Gua Musang | 9.8416 |
| 2. | Bertam | a) Bertam | 38.3305 |
| | | b) Limau Kasturi | 140.3726 |
| | | c) Ulu Nenggiri | 3'993.6258 |
| 3. | Ciku | a) Relai | 2'820.4011 |

CARTA ORGANISASI MDGM

FUNGSI DAN PERANAN MDGM

Mengikut seksyen 5 Akta 171, Majlis Daerah Gua Musang, merupakan sebuah Pihak Berkuasa Perancang Tempatan (PBPT) yang berfungsi mengatur, mengawal dan merancang pembangunan serta kegunaan tanah dan bangunan di dalam kawasan tadbirnya. Diantara fungsi Majlis Daerah Gua Musang secara terperinci:-

1. Merancang, membina dan menyelenggara kemudahan awam dan infrastruktur.
2. Menyelaraskan kemajuan projek-projek pembangunan.
3. Membuat kutipan hasil.
4. Menyediakan perkhidmatan dan pelupusan sisa pepejal.
5. Mengawasi kebersihan dan penguatkuasaan peraturan-peraturan kesihatan awam.
6. Pengindahan kawasan.
7. Menimbang dan meluluskan lesen-lesen premis perniagaan.
8. Menilai harta-harta dalam kawasan pentadbiran.
9. Bertindak sebagai perancang bagi menjamin pembangunan yang terancang, keindahan kawasan-kawasan kutipan hasil, kebersihan dan kesihatan yang terkawal.

PUNCA KUASA MDGM



STAKEHOLDERS DAN PELANGGAN MDGM

